

摘藻堂四庫全書薈要

史部

欽定四庫全書薈要

史部

硃批諭旨卷一百二十六之三

詳校官編修臣繆晉

欽定四庫全書薈要卷八千四十二

史部

硃批諭旨卷一百二十六之三

硃批田文鏡奏摺

雍正二年十二月初四日署理河南巡撫印務臣  
田文鏡謹

奏為

聖恩之高厚無極微臣之圖報愈難謹繕摺覆

奏仰祈

睿鑒事雍正二年十一月二十五日

臣

齋摺家人回豫

恭捧

皇上硃批諭旨到

臣

隨即反復跪誦逐字細繹不知

九重宵旰上厯幾許

天心清夜環思

臣

即粉身碎骨總不足以仰報

聖主隆恩於萬一伏讀

聖諭假若因此放膽以為有朕可恃復何懼之有遂乃縱情肆志出入繩墨致被指摘其他姑置不論試思

朕將何顏以對隆科多年羹堯暨在廷諸臣一愧之  
後汝猶克當否耶勉之慎之欽此臣不覺竦然神驚  
繼以飲泣似此

浩蕩隆恩雖天地之於草木無以復加況當此十目十  
手衆共指摘之時臣雖愚昧豈敢稍存苟且之心

皇上果如所奏不敢稍存苟且之心庶幾克保始終勉之天顏臣尚敢覲然自立人世耶臣惟有恪遵

聖諭諸事愈加公清和恕必使衆人之心皆悔騰謗之

非衆人之口皆頌

皇上之明此實臣譏諫之私雖鞠躬盡瘁而猶欲矢之  
生生世世者也伏乞

皇上俯寬

聖懷恭蒙

聖諭今在廷諸王大臣中實心為國家秉公惜人材者  
惟怡親王朕信其純汝傾慕王之公忠德望昨差人  
達意未為不是但此際命王代汝轉奏事件斷然不

可何也汝與諾岷為舉朝所怨衆議沸騰論奏者指  
不勝屈而年羹堯殆有甚焉朕乾剛獨斷悉置之不  
聞茲若因汝秉心與王相契俾得時通音問內外合  
一共勦政治則輿論必指以為借勢私交不但汝與  
王負謗無益亦於朕用人大體攸關所以諭令拒而  
不納也汝當感此曲全備恤之恩愈勉公清和恕下  
以杜衆口上以全朕面俟汝根基立定官聲表著之  
時然後降旨命王照應於汝則嫌疑無自而生矣欽

此臣思人臣事

君皆應如怡親王之公忠為

國家愛惜人材今怡親王之誠心已蒙

聖鑒而臣犬馬報

主之私又仰沐我

皇上垂憐至此似此

天高地厚之恩臣惟有時刻焚頂并謹遵

諭旨益加勉勵以仰副



知遇隆恩而已至於開歸河道沈廷正其才品心行已久蒙

聖鑒臣無庸再

奏伊若露有不肯盡心協助實力承辦反倚勢借端  
妄作威福形景臣當欽遵

諭旨嚴加叅劾不敢姑容再蒙

皇上發下轉交沈廷正之

諭旨因沈廷正現在衛輝府辦漕容臣指日赴衛輝監

克時親自密傳仍遵

聖諭將伊回奏之摺代為轉

呈至臣前

奏豫省大小各官仰蒙

聖諭候朕命下實授汝撫任時再行奏請欽此但臣自

問庸劣即署理巡撫已邀非分之榮豈敢再叨

日前乞恩之奏今已及時於明春開印後具摺奏請可

聖恩命

臣實授臣一聞

也聖諭不勝慚悚戰慄愈滋憂懼矣再查堡夫一項前因

河臣齊蘇勒親至豫省地方與撫臣石文焯副總  
河臣嵇曾筠面商會

題此時臣實並未與聞嗣奉部文到司臣始知有過

秋汛裁汰堡夫之事後據印河各官至省見臣時

稟稱此項堡夫斷不可裁汰臣隨細加察訪實係

不可裁去即向撫臣石文焯副總河臣嵇曾筠說

知欲其自行

奏復嗣於管河道陳世倬到任臣又向陳世倬說知

令其轉致嵇曾筠作速具

奏蓋因新奉部議臣若冒昧奏

聞恐干僭越縱肆之議故欲令河臣自行具

奏以免舛錯所以不曾先行奏

已發廷議矣  
聞又臣前

奏折給滿洲官兵米豆草束一案臣實愚昧未喻

聖意因復繕摺具

奏今既蒙

諭旨此事可行欽此不特微臣感激靡涯即官兵鋪戶  
無不共沐

皇仁羣歌

聖德臣導當查照前議撥補完項總之臣身受

聖主隆恩無以圖報惟有事事恪遵

聖訓諸凡務敦大體不敢瑣細苛求以副

皇上教導成全之至意已耳所有微臣奉到

諭旨理合繕摺覆

奏伏乞

睿鑒謹

奏

所奏俱悉

同日又

奏為恭謝

天恩仰祈

聖鑒事竊查本年九月初三日因撫臣石文焯奉

差赴浙荷蒙

特旨命臣署理河南巡撫印務三月以來涓埃未報夙

夜悚惶且臣以為暫時署理竭盡駑駘猶可支持

今於雍正二年十一月二十三日接准部咨欽奉

上諭河南巡撫事務著布政使田文鏡署理河南布政

司事務著楊文乾署理欽此到臣臣隨恭設香案望

闕叩頭恭謝

天恩訖但臣自問謏劣即布政使之任疊荷

聖恩諄切

訓誨尚不能倖免無過何堪復當封疆重寄若不仰觀  
天顏恭請

聖訓臣即鞠躬盡瘁隨時隨事竭力留心辦理總不足  
以仰副

聖懷於萬一也惟是新任布政使楊文乾尚未到任糧  
驛道沈廷正現赴衛輝府辦漕同城止有按察使

張保一員臣不敢擅離伏乞



皇上俯念臣實愚昧容臣於本年封印後赴京

陛見得以上覲

天顏跪聆

聖訓俾臣有所遵循不致奉行舛錯則感沐

聖恩益矢之生生世世矣倘蒙

皇上允臣所請臣即恭疏具

題所有微臣感激私忱理合繕摺

奏謝伏祈

聖鑒謹

奏

爾乃領悉朕意之人無庸奏請入覲即使來京亦無可訓諭處但勉力職任為要

雍正二年十二月十五日河南巡撫臣田文鏡謹奏為

聖恩疊沛圖報實難謹繕摺奏謝仰祈  
睿鑒事竊臣一介庸愚毫無知識荷蒙

皇上乾剛獨斷不次擢用畀以藩司署理撫篆已邀非分之榮

聖恩高厚捐糜莫報茲於雍正二年十二月初九日接准吏部咨內閣交出

硃批諭旨田文鏡著補授河南巡撫該部知道欽此到臣臣導即恭設香案望

闕叩頭恭謝

天恩訖但臣自問有何寸長有何報效而仰沐

皇上隆恩稠疊優渥至此且巡撫係封疆大吏上關國計下繫民生責任匪輕臣之愚昧豈能勝任聞命之下不勝神魂悚慄手足無措受

恩愈重圖報實難清夜環思益滋恐懼惟有仰遵聖訓恪守公清和恕正已率屬竭盡血誠以副我皇上天高地厚知遇之

隆恩於萬一耳所有微臣感激私忱除恭疏具

題外理合繕摺

奏謝為此謹

奏

汝若將來至於負朕則情理中不宜有此毋多言勉為  
公忠體國之臣俾民生安阜吏治澄清乃實無負朕恩  
乞封一事來歲二月中旬可以奏請

同日又

奏為恭謝

天恩仰祈

聖鑒事竊臣於雍正二年十二月初六日接准部咨欽奉

諭旨前諭山東河南二省買米運送江南平糶據何天培奏稱江南小米不能發賣請易小麥等語此事曾經署河南巡撫田文鏡具奏江南人不食小米請買小麥運送朕覽奏甚喜曾諭朱軾張廷玉據田文鏡所奏辦理甚善山東亦當照此行彼時朱軾張廷玉回奏小米煮粥甚好江北人亦多食之朕從其言遂

未降旨與山東巡撫今巡撫何天培所奏與田文鏡相同可見田文鏡辦理盡心朱軾張廷玉不過因張廷璐之事歸怨田文鏡欲使所奏不行耳大將軍年羹堯曾奏田文鏡居官平常舅舅隆科多亦曾奏過此皆輕信浮言未得其實現在買麥一事即是實心辦事之確據陳世倌料理之處遠不及田文鏡山東所買之米今到江南不能發賣著陳世倌照依時價在江南地方自行發賣其不敷之價著草率辦事之

陳世倌賠補田文鏡辦理此事既好應著吏部議叙  
具奏欽此到臣遵即捧接拜誦逐字細繹不勝感  
激涕零愈滋悚懼矣伏念臣本庸材至愚極陋仰  
蒙

皇上乾斷畀以重任受

恩深重無可圖報惟有隨時隨事恪遵

聖訓心體力行竝不敢稍留一毫心血亦不敢旦夕苟

且偷安至買米一事

臣實愚昧無知竝不識如此



料理方免貽誤此皆疊蒙

聖恩多方教導臣遂不揣具

奏請易小麥竝非臣有一得之愚可以仰邀

曠典茲蒙

皇上因辦理此事著吏部議敘清夜環思

聖恩愈重臣罪愈深矣所有微臣感激私忱合先繕摺

奏謝仰祈

聖鑒謹

奏

朕由來秉性凡事公聽竝觀必求其理之當爾輩大臣若不負恩朕斷不辜負爾輩也勉之勉之

同日又

奏為恭報得雪日期分寸以慰

聖懷事竊臣伏查豫省於十一月二十八日暨十二月

初二初三等日省城連降瑞雪臣隨通檄各屬確

查有無得雪去後續據開封等八府鄭州等七州

具報所屬各州縣俱得瑞雪自四寸起至一寸五分止二麥滋培豐年有兆此皆我

皇上宵衣旰食勵精圖治因而上感

天和花飛六出臣職任封疆覩此休徵不勝懽欣踴躍之至所有得雪日期分寸理合繕摺奏

聞謹

奏

瑞雪占豐誠為可喜可慶封疆大臣惟當懋勉吏治

上蒼之感應原如立竿見影係必不爽者須認理真確為要耳勉之

同日又

奏為遵

旨據實奏明仰祈

聖鑒事竊查豫省南北兩岸堤工仰蒙

皇上軫念民生休戚

特發帑銀四十九萬八千三百餘兩以資興築今據管

河道陳世倬具

奏每土一方除部議加一節省并支給工價銀九分六釐外尚餘銀一分二釐通省合算應共該再扣加一銀四萬餘兩另行

題請以為各工補修補築等項之用轉傳

硃批諭旨

臣

酌量或題或行等因欽此

臣

遵即悉心

諮訪原估乾土一方工價銀一錢二分除扣存加一節省應給銀一錢零八釐今止給銀九分六釐

者蓋因河工錢糧實與州縣不同水勢變遷事在  
呼吸有昔平而今險者亦有昔險而今平者是無  
論通省之工程多有難易即一人承築之工亦各  
有平有險在印河各官自不得不相度水勢之大  
小工程之難易截長補短隨時變通方克有濟若  
膠執一定不特錢糧糜費抑且苦樂不均官民畏  
縮難免貽誤臣查平易之工每土一方即給銀九  
分六釐或八分上下一應修邊打碇製辦繩索買

土鑲墊拖脚等項均可在內如遇昔平今險取土甚遠難做工程即給至一錢二三分外尚需夯礮糶辦等物銀兩至於水工一項有照原估一錢六分扣存加一節省再扣加一節省已敷所用者亦有帶水泥土挑運路遠難做易塌之工竟有給至一錢七八分至二錢三四分不等者則是前項再扣加一之銀原非盡為部費而設也若夫

奏銷各項錢糧在部胥不能枵腹辦事歷來各省皆

有發給飯食之陋例臣訪聞南河工程凡遇

奏銷每開銷銀一兩支給部胥飯食銀自五分起至七分止今豫省此案大堤動用正項錢糧至四十萬餘兩冊籍繁多

奏銷核算需時給發些須飯食亦似不可少欽惟我皇上明竝日月無微不照所有

奏銷部費已奉

嚴旨禁革在部胥自不敢因飯食之有無吹毛駁詰舞



弊作姦然臣伏思

皇上宵旰憂勤日理萬幾為臣下者必欲惜此小費以  
汝所見甚是朕不為類斯舊例應給之項而言也命汝

致上履

等於明歲冬間來京正欲與之詳商妥議此等事件耳  
聖懷亦大非臣子仰體之誠矣茲臣逐細察訪查據兩

岸堤工尚可再扣存銀二萬五千餘兩并令管河  
道陳世倬再將難易工程暨別案堤工有無一例  
節省并節省若干之處確查詳報一併具

是

題所有此案堤工除原議加一節省外又節省銀兩

應聽副總河臣嵇曾筠查有應行補修補築之工  
題請酌量通融支給仍飭管河道嚴加察核毋許冒  
破庶難做工程不致偏累貽誤而帑項絲毫均得  
實用矣除俟管河道陳世倌詳報到日恭疏具  
題外謹將臣察訪確實緣由繕摺奏

聞仰祈

聖鑒謹

奏

覽

同日又

奏為據實奏明仰祈

睿鑒事竊查蘭陽縣叅革知縣朱燧虧空歷年地丁銀  
八千六百二十二兩零常平倉穀四千一百八十  
一石零經撫臣石文燁先後核叅嗣據朱燧交完  
以錢易回銀二百七十三兩又據紳衿里民情願  
樂輸銀五千九百六十四兩零以上共完解司庫

銀六千二百三十八兩零尚未完銀二千三百八十餘兩朱燧自行買補過常平倉穀一百七十一石尚未完穀四千一十石零臣雖現在著落該地方官嚴行追比但查朱燧任所竝無財物可變而訪查原籍亦無家產可追將來勢必另作歸結至其人在任柔懦無能諸事因循玩愒竝不徵比錢糧每遇

奏銷俱係那新掩舊代為報完所以士民念其被叅

離任於未奉

旨意之前情願樂輸實無抑勒情弊亦竝非因朱燧居官確有善政輿情踴躍也今此案具

題臣惟恐部臣以士民樂輸有悖

明旨且代完如許銀兩必以朱燧為好官疑而駁詰合將士民輸納情由并朱燧居官之處據實奏

聞伏乞

皇上俯准臣

奏則不特案件可以早結而帑項亦不致久懸矣為

此謹

奏

此案該部竝未駁議已照題具覆隨經降旨允行矣

雍正二年十二月二十七日河南巡撫臣田文鏡

謹

奏為

聖恩日重圖報愈難謹瀝丹誠仰祈

睿鑒事竊臣一介庸愚仰沐

皇上隆恩稠疊優渥清夜環思捐糜莫報其如臣知識短淺不能料理妥當以致上厪

聖懷寤寐之間不覺神魂悚慄手足無措乃復荷

皇上逾格優容不加罪譴反憐臣恤臣諄切

教導委曲保全并將臣奏摺給與在

廷諸臣公同閱看遂使犬馬微忱得以共白臣何人

斯而仰邀

皇上天高地厚之恩一至於此臣即永矢清節竭盡血誠總不足以報效

洪慈於萬一也至於唐縣知縣闕敝一案并蒙

聖恩將臣奏摺給與在

廷諸臣共閱臣亦惟有矢公矢慎審明

題結總之臣蒙

聖主隆恩夙夜冰兢正不知如何可以圖報謹當時時

刻刻凜遵



聖訓愈加公清和恕著實勉力做好官以副我  
皇上聖明獨斷委曲

成全之至意而已理合繕摺

奏謝伏祈

睿鑒謹

奏

覽奏謝足見悃忱

同日又

奏為恭報得雪日期分寸以慰

聖懷事竊查雍正二年十一月二十八暨十二月初二初三等日豫省普降瑞雪業經具

奏已蒙

聖鑒茲又據八府七州具報所屬各州縣於本年十二月十五日復得大雪自二寸起至四五寸不等四野均霑二麥滋培農夫士女莫不鼓舞歡欣共慶豐年有兆臣職任封疆覩此休徵不勝踴躍忻忭

之至所有得雪日期分寸合再繕摺奏

聞謹

奏

覽奏豫省連降瑞雪情形朕懷曷勝欣慰

同日又

奏為敬陳芻蕘請增營汛官兵保固疆圉以垂永遠  
仰祈

睿鑒事竊查河南一省居天下之中地形四達為九州

之腹心諸夏之間域向設標鎮協營業已星羅棋  
布近年省城又添駐滿洲官兵措置極其周詳自  
可奠安我

國家於泰山磐石之固而為萬世不拔之基矣臣又  
何容置喙但臣既蒙

聖主隆恩授以封疆重任敢不竭盡心力圖求萬全臣  
在布政使任內固已留心地方今復行咨訪利弊  
曾據各屬條陳又據河北鎮臣紀成斌前往親勘

所言與臣咨訪無異臣細覽輿圖查豫省八府其處萬山之中而素稱險要者莫過於南陽河南二府所屬州縣然南陽一郡雖地接鄖襄既有鎮臣駐劄府城自能捍禦惟汝寧府屬之遂平縣境內有名平頭塚渣岓山者長亘百里界連四縣山深谷僻最易藏姦當於南陽鎮標調設千把總一員帶兵數十名以資防衛至於河南一郡係河北鎮所轄離省四百餘里離鎮一百四十里中隔黃河

孤懸西鄙設有河南營都司一員守備一員千總  
二員把總三員馬兵一百三十四名步兵五百一  
十三名共轄一府兩直隸州一十四縣東西相距  
六百餘里南北相距四百餘里地方遼濶俗悍民  
頑且山多箐密姦宄易於出沒誠中州第一要隘  
也康熙五十五六兩年亢珽王更一等乘機竊發  
幸蒙

聖祖天威剋期撲滅此其明驗今以孤營防禦地險兵單

如汝州邾縣魯山寶豐四州縣僅以一千總帶兵  
一百二十五名專轄陝州靈寶閿鄉三州縣亦僅  
以一千總帶兵九十一名專轄登封鞏縣偃師孟  
津四縣專轄者惟一把總兵止六十八名宜陽澠  
池伊陽新安四縣專轄者亦惟一把總兵止六十  
七名地方遠隔三四百里往返巡查數日方能遍  
歷一千把微員而專轄三四州縣不但官卑兵少  
不足以資彈壓而勢亦不能兼顧無遺况陝州一

州新改直隸分轄靈寶閭鄉二縣離省七百餘里  
逼近潼關為山陝咽喉最稱險要再查嵩縣一營  
止一守備竝無千把管轄嵩縣盧氏永寧三縣相  
距三百餘里兼之四面皆山層巒疊嶂莫可端倪  
其間伏牛藥川等山更為深邃臣案查河南營原  
設叅將一員因順治十八年駐劄提督改叅將為  
城守營都司嗣於康熙七年奉裁提督叅將因未  
復設今可否復設叅將一員駐劄河南府將河南



營都司或改為守備移防陝州另為陝州營河南  
營原有之守備一員千總二員把總三員仍歸叅  
將管轄分防登封鞏縣偃師孟津宜陽澠池新安  
伊陽汝州魯山邾縣寶豐十二州縣如既將都司  
改為守備移防陝州應更設把總二員分防靈寶  
閿鄉二縣其兵丁照陳州營馬兵酌增七十二名  
步兵酌增二百六十八名其嵩縣營亦應添設把  
總二員分防盧氏永寧二縣至於添修衙署營房

并製備甲械旗幟等費存有充公銀兩可以支用  
無庸動用正項錢糧用過銀數容臣細加查核另  
摺奏

聞如此一轉移間實武備以固疆圉示軍威而垂永遠  
且弁兵均有專責而聲勢聯絡彼此又可接應不  
致有鞭長莫及之虞矣臣因封疆所繫不揣愚蒙  
敬陳管見伏候

聖裁倘蒙

俞允俟開印後臣當會同河北總兵臣紀成斌恭疏  
題請仰冀

睿鑒謹

奏

此增設營汛官兵之議甚關切要會疏具題可也

雍正三年正月初四日河南巡撫臣田文鏡謹  
奏為恭謝

天恩仰祈

聖鑒事雍正二年十二月三十日臣齋摺家人回豫恭

捧

皇上欽賜福字到臣臣隨跪迎至署恭設香案望

闕叩頭謝

恩祇領訖又蒙

皇上恩賜河北鎮臣紀成斌南陽鎮臣佟世麟福字各

一幅臣遵即差弁恭齋轉頒訖欽惟我

皇上德合堯天光昭舜日

恩膏普被四海蒼赤已均沾樂利之休

愷澤頻頒內外臣工既共享昇平之福矣乃復荷

天恩格外

寵錫

御書福字到

臣伏覩

龍章之璀璨竊喜福自

天申仰瞻

宸翰之輝煌不啻祥開斗極

臣

何人斯邀此

曠典惟有什襲珍藏永作傳家之寶恪守清節以求福履之綏而已所有微臣感激私忱理合繕摺

奏謝臣不勝歡欣抃舞之至謹

奏

福者德之徵也故洪範曰嚮用五福朕樂與天下臣民共之

同日又

奏為

聖恩浩蕩無可圖報謹瀝丹誠仰祈

睿鑒事竊臣前

奏恭報瑞雪一事仰蒙

聖諭瑞雪占豐誠為可喜可慶封疆大臣惟當懋勉吏治

上蒼之感應原如立竿見影係必不爽者須認理真確為要耳勉之欽此臣伏思

天人本屬一理至誠自可上格臣查雍正二年十二月二

十七八等日又據開封等八府鄭州等七州所屬  
州縣紛紛具報各得瑞雪自四寸起至六七寸不  
等四野霑足二麥暢茂此皆我

皇上勵精圖治無刻不以民生為念因而感召

天和降此瑞雪官民共慶臣職任封疆惟有恪遵  
諭旨懋勉吏治上格

天心仰副

聖懷又蒙



諭旨朕由來秉性凡事公聽竝觀必求其理之當爾輩  
大臣若不負恩朕斷不辜負爾輩也勉之勉之欽此  
欽惟我

皇上聖由天縱仁本性成而英明果斷推心置腹誠千  
古未有之

聖主臣以謗劣庸才仰蒙

皇上特達之知委曲保全諄切

教導此又千古臣工未有之遭逢焉敢絲毫苟且旦夕

偷安上員

隆恩又蒙

聖諭汝若將來至於負朕則情理中不宜有此毋多言  
勉為公忠體國之臣俾民生安阜吏治澄清乃實無  
負朕恩乞封一事來歲二月中旬可以奏請欽此伏  
思臣係蒙

皇上獨用之人且疊荷

聖恩不啻天高地厚臣即竭盡血誠總不足以圖報萬

一寤寐之間時切悚惶倘或因循玩愒稍有不堪  
自問豈特為天下之奇事竊恐

天地鬼神亦斷不肯姑容也至臣前

奏乞

恩一事

臣

謹當仰遵

聖諭俟二月中旬具摺

奏請所有微臣感激私忱理合繕摺

奏謝仰祈

睿鑒謹

奏

覽奏已悉。惻誠新正十二日得辛有事於

祈穀壇。是日也彤雲密布和氣盈空。抵暮

天降瑞雪。繽紛不斷。直至十四日黎明。方霽已十分。霑足  
朝野共慶。朕不勝欣幸之至。特諭爾知。

同日又

奏為據實奏明仰祈

聖鑒事竊查衛輝府叅革知府吳柯等十案虧空銀米穀石經前撫臣石文焯

奏請著落原任撫臣楊宗義賠補銀五萬餘兩以完各案嗣據楊宗義陸續交貯司庫外今於雍正三年正月初四日據署布政使張保詳稱楊宗義應賠吳柯等十案虧空銀五萬兩已經照數交完貯存司庫臣隨查據所交銀五萬兩除補完吳柯等十案虧空地丁等銀外其米穀價值尚有不敷然

數亦無多臣當遵將楊宗義買補漕穀剩存銀兩  
內撥補全完俟給發各屬照依時價數目買補動  
用之日容臣另摺具

奏所有楊宗義急公交完銀數緣由合先繕摺  
奏明伏祈

睿鑒謹

奏

可惜楊宗義此番効力贖罪猶有悔心之萌不應復事

黃緣鑽刺求助於年羹堯隆科多後半世功名止於斯  
矣此之謂弄巧成拙適足以自悞而已

雍正三年正月二十四日河南巡撫臣田文鏡謹  
奏為敬陳各官賢否以慰

聖懷事竊臣蒙

皇上特達之知畀以封疆重任夙夜思維無可圖報惟  
有整飭官方留心吏治務使大小臣工各做好官  
以仰副我

皇上子惠元元至意茲查按察使張保辦理刑名事件  
聞其實屬明敏若更能勉勵操守則全村也  
原甚明白自去秋至今更加奮勵諸事詳慎近署

沈廷

藩司印務又極小心謹飭絲毫無染開歸道沈廷  
正才具優長熟諳吏治自蒙

聖諭之後益矢公忠力圖報效兵科給事中管河道陳

陳世倬

世倬辦事認真自不待言但既欲辦料而不肯發

帑慎

重太過或恐反致誤事苟且開封府知府孫蘭芬才實堪使自去夏迄今

孫蘭

芬能政急性即可矣時刻以吏治民生為念更覺實心任事不取分文



張建

德老成且幹練

衛輝府知府張建德辦事勤敏居官謹飭允堪表

率以上各員皆與臣同心協力圖報

聖恩汝寧府知府張玠自到任以來臣留心察訪辦事  
明白操守亦潔歸德府知府祝兆鵬居官安靜無  
忝厥職河南府知府張漢為人忠厚學問頗優將  
來可勉循良南陽府知府何煜并庸劣縣令數員  
經臣前摺

奏明不敢再瀆只有彰德府知府屠洵辦事糊塗偏

所以

云愚而好自用也

執任性又自以為有才每多舛錯臣屢次教導總

不知改難居方面表率之任仰懇

皇上掣回另補閒散京員或容臣另疏

題叅伏候

應行叅黜

聖裁又揀選來豫

題補之湯陰縣丁憂知縣楊宏緒係四川進士其人  
年力精壯辦事明白地方百姓無不悅服臣因其  
到任只有月餘不敢冒昧

題請留任且家無次丁聽其回籍料理數月但似此  
賢員不能遽得可否容臣具

題仍准咨取來豫遇缺補用仰祈

聖鑒至直隸各州知州內尚有數員不能稱職臣現在

州縣內遴選廉幹能員另

題請補再臣更有請者各官實心任事恪守清節雖  
屬分所當然而一種爭自勉勵圖報私忱臣實不  
敢壅於上

聞況臣伏思

皇上體恤臣工無微不至凡稍有效力之處即蒙

聖恩逾格褒嘉俾其奮勵今豫省各官除到任未久之員臣再觀其後效另為密

奏其歷任已久清慎勤敏之員伏乞

皇上俯賜格外加恩仍留原任俾自愛者愈知感奮中材者亦必勉力而臣均得收臂指之用矣所有各官賢否理合繕摺奏

聞謹

奏

所奏俱屬是當諸務從容辦理毋過於猛

同日又

奏為恭報得雨日期共慶豐年以慰

聖懷事竊查豫省各屬屢得瑞雪經臣節次具

奏在案茲據開封等八府鄭州等七州各具報所屬  
州縣於雍正三年正月十七日得有時雨四野霑

足二麥暢茂野叟村童莫不塗歌巷舞共慶豐年  
有兆此皆我

皇上至誠感格因而雨暘時若臣目覩輿情鼓舞不勝  
踴躍歡忻所有得雨日期理合繕摺奏

聞謹

奏

春雨如珠霑足尤為難得真屬可慶幸者

同日又

奏為據實覆奏仰祈

聖鑒事竊臣前奏楊宗義賠補吳柯等十案虧空完銀  
五萬餘兩一摺奉有

硃批諭旨臣跪讀之下仰見我

皇上體恤臣工無微不至凡有些微効力之處即仰邀  
洪慈格外垂憐今楊宗義完此公項臣細繹

聖意俯念其効力之誠復惜其夤緣之悞

皇恩浩蕩不啻天高地厚但臣查據河南巡撫任內一

年所有各項陋例不下二十萬兩臣復聞輿論楊宗義在任竝非循良清正之員每歲所入為數尚多今蒙

聖恩寬宥只令其賠補些須効力贖罪不特分所宜然無足深惜即楊宗義後半世以及子子孫孫亦沐皇上隆恩於靡盡矣至蒙

聖諭可惜楊宗義後半世功名止於斯矣此誠

皇上明竝日月



睿照無遺臣亦細察其心行如再得封疆重任勢必仍蹈故轍未必遽勉循良然臣自到任以來因未蒙皇上諭問臣亦不敢一字瀆

奏不謂楊宗義稍有微勞反致上廛

聖懷如此憐恤臣疊蒙

皇上隆恩推心置腹超越千古若不據實

奏明以慰

天心即寤寐之間亦跼蹐難安矣伏乞

皇上俯賜鑒察謹

奏

此奏既公且當知道了

同日又

奏為

聖恩疊沛謹瀝丹誠仰祈

聖鑒事竊臣於雍正二年十二月二十八日仰遵

諭旨將開歸道沈廷正回

奏摺代為恭

進荷蒙

皇上將奏摺發下隨即面交沈廷正收領訖臣因見摺口未封仰體

聖意逐一細閱摺內所

奏與向臣言無異但臣跪誦

皇上硃批諭旨朕為汝主田文鏡係汝上官除此之外他處更無主人上司也等因欽此仰見

皇上明竝日月無微不照從此沈廷正斷無他處請託  
瞻顧必與臣協力同心共報

聖恩然臣捫心自問有何寸長而上厓

天心委曲成全一至於此也臣即竭盡血誠亦難圖報  
惟有協恭和衷共矢清節以仰報

皇上高厚之恩於萬一耳所有開歸道沈廷正回

奏同原摺二扣今復恭捧到臣理合繕摺代為恭

進謹

奏

覽奏知道了朕待天下臣工總惟大公無我一語耳

同日又

奏為遵

旨覆奏仰祈

聖鑒事竊臣於雍正二年閏四月初六日將豫省各州縣欺隱在官地畝繕摺具

奏仰懇

聖恩免其按律治罪准令當年陞科荷蒙

硃批諭旨既往自應不咎題本到日恐朕偶爾忽畧汝  
仍一面具摺奏請欽此臣於布政使任內隨密諭各  
府轉飭所屬令其盡行據實首報毋得絲毫再有  
欺隱嗣據各州縣陸續造報到臣內因總撒不符  
或科則舛錯飭另造去後今據署布政司張保  
詳據開封等七府屬陳州等七州并所屬共計五  
十一州縣各將已報在官民衛更名共地二千五

百八十三頃五十二畝零內除偃師縣折去地四  
頃六十一畝零實在其地二千五百七十八頃九  
十一畝零照依賦役連閏併補徵則例共該銀六  
千四百七十二兩零即於雍正二年當年陞科造  
冊呈送前來臣覆核無異除另疏於雍正三年正  
月十七日具

題外理合繕摺覆

奏再臣伏查各州縣因感戴

聖恩復多方勸諭民間如有墾過未報地畝亦令其據實舉首俟造報到日臣再另疏具

題為此謹

奏

知道了該部議覆有旨

同日又

奏為仰懇

聖恩仍留堡夫以資防修事竊查豫省酌撥江南河兵



一案前准部覆除武陟縣堡夫一百名仍留防護其餘南北兩岸堡夫俟秋後盡皆裁汰嗣據管河道陳世倬具摺

奏請停裁仰蒙

皇上硃批諭旨此事當詳明撫臣具題欽此轉傳到臣

臣隨繕摺具

奏復一面咨商總河臣齊蘇勒副總河臣嵇曾筠去後茲據河臣齊蘇勒回稱甫經議裁旋又議復似

覺矛盾而嵇曾筠回稱已經摺

奏現在聽候部議等語臣查黃河兩岸堤工綿亘千有餘里防守在在需人今時屆挑汛正須巡防保護原設堡夫斷難議裁臣復近乘監兌漕糧之便親詣河干悉心諮訪并目擊河兵實止能捲埽下埽鑲墊釘椿而穿衣躡履僅堪協助至於沾體塗足下水運泥以及風防雨守無分晝夜是河兵究不如堡夫之熟悉而任勞也且河兵係營員所轄

多不服河廳州縣約束未免呼應不靈臣愚以為  
務須兵夫兼用協力修防方有實效茲復據管河  
道陳世倭確查議詳前來臣復核無異除另疏具  
題外理合繕摺

奏明為此謹

奏

所議是具題到日有旨

雍正三年二月初八日河南巡撫臣田文鏡謹

奏為據實奏明仰祈

聖鑒事雍正三年二月初四日副總河臣嵇曾筠因查勘堤工至省面傳

皇上硃批諭旨河工錢糧巡撫固不可撓越然以為未曾經手遂乃槩行委卸河臣亦屬不可爾等自應會商確當公同具奏為是咸似此各抒己見密摺陳奏朕不洞達情節殊難批諭欽此到臣跪聆之下復據嵇曾筠將原

奏摺捧出與臣看閱臣又逐字細繹仰見我

皇上至聖至明無微不照茲臣伏查康熙六十年起至  
雍正元年止河工奏銷一案其中各項錢糧有動  
用司庫銀兩解交河道給發者亦有動用河庫銀  
兩由河道徑詳河臣通融零星支給間有詳明撫  
臣衙門者更有堤工緊急一時不及具詳或奉河  
撫二臣面諭竟行給發者如動用藩庫及解交河  
庫錢糧撫臣衙門悉有檔案可稽若河庫零星支

給并臨時通融給發之項撫臣衙門竝無底案可查是以南河工程例由河臣竟自核銷並不會同撫臣具

題今蒙

皇上天恩軫念河工關係緊要豫省亦

特設副總河駐劄工所專司其事并添設河廳汛官分任協理則是豫省各案工程動用銀兩自應副總河查核奏銷而河臣嵇曾筠以為未奉

簡命以前之事欲令臣會同具

題似可分肩其任然臣伏查十里店工程係雍正元  
年六月十七日欽奉

特旨差嵇曾筠承築之工而楊橋漫工即與十里店堤  
工相離咫尺并加幫大堤等工所有做過工程用  
過庫項臣問據河臣嵇曾筠亦云悉知相應遵照  
南河之例聽候河臣奏銷非臣所敢越俎代庖者  
也今蒙

皇上諭旨臣已與副總河臣嵇曾筠現在會同商酌以

副

聖懷緣奉

上諭事理合將臣竝非諉卸情由據實繕摺

奏明仰祈

睿鑒謹

奏

爾等酌妥會奏可也



同日又

奏為奏明事竊查豫省雍正二年分應行採買正耗  
漕米一十五萬一千三百八十三石零每石額價  
銀六錢五分共額銀九萬八千三百九十九兩零  
今照時價採買每石止需價銀六錢九釐四毫零  
共實用過銀九萬二千二百六十四兩零共節省  
銀六千一百三十四兩零現存糧驛道庫茲據該  
道沈廷正回稱此項節省銀兩分文不敢入已情

願歸公等語臣查雍正二年漕米因歲稔價平較之往年採買額價有餘至沈廷正辦理漕糧實在照依時價分給採買竝無絲毫剋扣短少官弁水手人人感悅所有前項節省銀兩數目并貯存緣由理合

奏明仰祈

聖鑒謹

奏

此項節省銀兩係沈廷正所得羨餘或行給與或留充公用爾酌量為之

雍正三年二月二十四日河南巡撫臣田文鏡謹奏為奏請酌更貯存米石以免紅朽事竊查康熙五十九年豫省共截留漕米二十三萬三千三百八十八石零內除運交河南府米十萬石因額價不敷經前撫臣石文焯摺奏著落原任撫臣楊宗義添價買補已於雍正元年十月內照依一米二穀

買穀二十萬石貯存河南府屬各州縣倉訖又雍正元年賑濟借動米三萬四千五百七十五石零俟河北三府捐足補項外又各屬虧空米一萬一千二百五十九石零現在分案買補又墊運康熙六十一年漕糧動用米一萬九千八百二十八石零於雍正二年六月內經前撫臣石文焯題請於雍正三四兩年帶徵應俟徵完補項外實在貯存開封彰德衛輝懷慶等府屬暨陝州許州鄭州并

所屬米共六萬七千七百二十四石零又康熙六十一年分截留漕米共九萬八千九百三十六石零內除未完民欠米五萬八千九百三十四石題請於雍正三四兩年帶徵分項補款外虧空米一百八十石零雍正元年賑濟借動米一萬六千三百四十五石零俟河北三府捐足補項外實在貯存開封屬之陽武封邱二縣暨彰德衛輝懷慶三府所屬共米四萬五千五百七石零又康熙六十

一年陝州太陽渡開捐三次所收運陝米麥十萬石經川陝督臣年羹堯摺奏停運內除撥運懷慶府借賑米一萬一千四百六十七石零實動賑過米九千七百一十五石零俟河北三府捐足補項外尚剩存懷慶府屬米一千七百五十一石又貯存陝州靈寶閭鄉三州縣米共七萬四千二百一十七石零大米三千四十石小麥一萬一千一百七十五石零以上各年各案共貯存米麥二十萬

三千四百一十六石零臣查前項米麥不比穀子  
可以耐久今經貯存數載多有變色若不急請酌  
糶紅朽堪虞且開彰懷衛河南等府所屬以及陝  
陳禹鄭許等州并所屬復貯存康熙四十三年漕  
米易穀八萬九百七十七石零買貯康熙六十年  
漕穀三十五萬八千八百二十四石零而河南一  
府又貯存康熙五十九年分楊宗義添價買補漕  
穀二十萬石又常平義社等倉通省共貯穀一百

一十五萬四千四百四十六石各府州所屬均有  
貯存無之各案虧空買補米穀以及河北三府開  
捐所收穀石并帶徵民欠米穀日積日多而臣於  
布政司任內凡查有私借在民并捏報還倉之州  
縣即勒令買補全完不比從前有名無實今皆分  
堆寺廟年久恐致黴爛若謂前項停運并截留米  
麥原備歉收之年暨運陝而設然既有穀存貯一  
時動用碾米亦易臣愚以為雍正三四兩年帶徵



康熙六十一年民欠未完漕米照例以一米二穀徵收其虧空買補漕米亦以一米二穀還倉始可稍為經久之計至於現貯康熙五十九六十一兩年截留漕米暨康熙六十一年捐收停運米麥共二十萬三千四百餘石似應俱令各州縣於青黃不接之時槩行減價平糶價銀解歸藩庫或徑行充餉或俟秋收查明貯存穀少之州縣均勻分發買穀存倉如此則米麥不致紅朽而州縣各官將

來亦免賠累矣是否可行伏乞

皇上睿鑒指示以便臣另疏具

題為此繕摺請

旨謹

奏

該部速議具奏

同日又

奏為請補各案虧空以裕

國帑事竊臣伏查豫省

題叅過各官虧空銀米穀石共計三十六案內除吳  
柯等十案虧空已據原任撫臣楊宗義賠補銀五  
萬四千一百兩貯存司庫業經臣檄飭布政司逐  
案查明分析歸款俟具詳到日臣即陸續

題請結案外所有登封縣叅革知縣薛國瑞等二十  
六案虧空內除未經審結之陳留縣叅革知縣沈  
銘慎等七案并現在軍前尚未掣回之宜陽縣叅

革知縣張育徽一案其餘一十八案共原叅虧空地丁銀八萬九千三百二十九兩零虧空倉穀共五萬一千四百三十五石零經臣前在布政司任內遵照

定例在於任所嚴查復委員逐案審追連叅後共完過銀一萬六千四百六兩零穀一萬二千七百六十五石零又一面分咨各原籍地方查變去後嗣准各省撫臣陸續咨覆到豫追完銀三千兩各叅

員原籍家產可變抵銀九千一百三十五兩零尚  
應彌補銀六萬七百八十八兩零倉穀三萬八千  
六百六十九石零臣查例載承追督催各官以五  
年為率如限滿無完分別

題叅降調其如虧空各員任所原籍俱已搜查殆盡  
內有無產可追者亦有本犯身故者臣愚以為與  
其延挨時日徒處現任之員究於

國帑無益莫若將各案虧空即行填補況議解火耗

據奏

內除通省公費暨各官養廉餘者原為彌補無著  
 欲以存司耗羨彌補無著虧空既以填實倉庫又

省案

虧空之用可否將現存司庫之一十四萬一千  
 積之繁固屬美舉果如此行於題本內或作為承

追督

催各官代為完結仍將該犯暨犯官家屬照例處  
 不足九萬餘兩先行分案逐一劃補陸續抵補虧

分則

可若直將通省公用耗銀明為貪劣參員抵補虧  
 題請結案不特倉庫可以早清而上下亦省案牘之

項是

只知錢糧為重而國家懲姦庫惡之法轉輕矣如  
 繁矣至於剩存耗銀仍貯司庫俟未結各案另有

何其

動用之日臣再繕摺  
 無無論謹飭應員聞之心不甘服寧不說一切

貪員

希冀之念乎斯乃創始之舉當與該司楊文乾等

奏請

其恭革各員及已故各犯家屬統聽部議臣為

細酌商兩行  
早完

國帑起見不揣愚昧繕摺具

奏仰祈

聖鑒謹

奏

公私兩益不特善政兼亦陰德事也但須得理為要

同日又

奏為據實覆奏仰祈

聖鑒事竊臣敬陳各官賢否一摺欽奉

硃批諭旨諄切教導臣跪誦之下感激涕零惟有恪遵

聖諭諸務從容辦理不敢過猛

以副

皇上垂訓之至意至於按察使張保開其近日甚好近實勉勵操守開

封府知府孫蘭芬性急之處較之從前頗覺悛改

惟管河道陳世倬諸事慎重不敢將所估錢糧一

起給發臣當各司道進見時曾經說過數次河工

物料須乘價賤之時採買預備庶免臨時周章若



不盡發錢糧一致誤事關係匪輕今陳世倬因所  
做工程過於核減絲毫不肯寬容大抬衆怨臣亦  
屢次教導看其將來另摺奏

已有旨矣

聞湯陰縣丁憂知縣楊宏緒臣遵當繕疏具

題咨取來豫遇缺補用南陽府知府何煜臣前因其  
為人懦弱諸事闡茸繕摺具

奏今察其政績稍勝從前故暫為寬緩以觀後效彰  
德府知府屠洵既蒙

諭旨臣現在繕疏

題叅臣又查湯陰縣知縣朱體謙性耽麪槩不能約束家人書役民多怨言洛陽縣知縣鄭植賦性昏庸諸事不諳鞏縣知縣鄒峽才具庸劣縱容家人書役出入不謹似應一併

是

題叅以肅官方再臣伏查奉

旨建造

金龍神廟前因估時係隨常磚瓦今改為紅綠磚瓦

房屋又稍放寬濶修理整齊原估不敷所用臣與前任撫臣石文焯商酌將耗羨銀內動支過銀四千兩今據管工同知吳元錦等詳稱匠役工價以及修葺後閣尚需銀四千餘兩臣恐其中或有冒

費如

銷諭令將工料草冊先行送查俟送到核明臣再將耗羨內動支給發其廟內銅碑已據河臣齊蘇

候齊

蘇勒到豫爾等面商若可改石更好碑文朕尚未勒委員送到現在打磨尚未鑄字所做廟工約於

經書

就三月內方可告竣又豫省沿途柳樹臣動給過耗

羨銀三千兩已令各州縣俱已栽植統祈

聖鑒謹

奏

覽

同日又

奏為據實奏明動存耗羨銀兩數目仰祈

聖鑒事竊查豫省各州縣所有新舊耗羨銀兩經前任

撫臣石文焯具摺

奏明內除各官養廉及各屬起解正項錢糧赴省路費竝知府同知通判養廉俱令各州縣徑自扣存轉給外其餘盡解司庫以為通省雜項公費暨撫臣學臣司道各官養廉并彌補無著虧空之用臣於雍正二年三月十八日到布政使任內起至十一月二十六日陞任止共收過各年新舊耗羨銀三十萬五千一百四十七兩零又前任布政使牟欽元任內收存耗羨共銀一萬二千九百六兩零

二項共銀三十一萬八千五十三兩零內除詳明  
撫臣衙門存案動支過各項應需銀一十七萬六  
千八百八十四兩零實在貯存司庫共銀一十四  
萬一千一百六十八兩零應即

奏請彌補虧空其署布政司張保任內續收耗銀并  
各年民欠未完耗銀應聽新任布政使楊文乾接  
收另報外所有臣任內收存動支過新舊耗羨銀  
兩年款數目理合恭繕細摺一併奏

聞謹

奏

所奏可謂明白詳悉之至然朕於此等事件不過閒覽而已無暇細計款數也

同日又

奏為奏明事竊臣接准前撫臣石文焯咨稱雍正二年九月以後未支養廉銀兩具摺奏懇

聖恩全賞以資家眷盤費欽奉

硃批諭旨准賜爾即傳諭田文鏡可也欽此到臣臣自

應恪遵

諭旨轉檄藩司支給無庸再為

奏請但石文焯前奉

特旨署理浙江巡撫致字與臣支取養廉經臣於雍正  
二年十一月二十日繕摺具

奏荷蒙

硃批不必再給留充公用可也欽此欽遵在案且臣查



據豫省各官養廉前因懷慶府知府梁需杞奉

差軍前効力臣於布政司任內具詳撫臣石文焯批給  
一半以資家口薪水一半支給署員以為往來盤  
費如前員已經離任者將一半養廉解司充公然  
署事得支一半原因微員起見至於臣署理巡撫  
任內荷蒙

皇上天恩於布政司任內已有養廉因將前項一半銀  
兩即行貯庫充公而按察司張保亦將署學臣任

內應得養廉銀兩并署藩司任內應得養廉銀兩俱已詳請充公在案今撫臣石文焯奏懇

聖恩全賞應自雍正二年九月初一日起至十一月二十六日止動給銀六千九百一十一兩零緣事關庫項臣奉有


皇上前批諭旨且石文焯來咨係無印空文臣已經咨回俟鈐蓋印信移文至日再飭藩司支給理合繕摺

奏明謹

奏

覽奏已悉并據奏稱微員署事得支一半養廉等語朕  
意即爾等督撫兩司亦不必矯廉過於清苦百凡總宜  
合乎情理之中只要還朕一當字而已

硃批諭旨卷一百二十六之三



總校官庶吉士臣侍朝

校對官編修臣朱攸

謄錄監生臣魏綿曾